

Kalesia

1 ¹Ēta, Kótóné ama fo yó male fǒpóló dotɔyale *aposel* whi Pol-né diā Kalesia hae kwiamó tɛ mole be huluamó betó mole Keriso fake so whiɔpaae aɣ i dere ape. Ēta, mepaae whiɔrapené dotonatepa ó mo whiné kisipané kekeme nóló i kutó dine fae yóló dotonatepa wéni, Yesu Kerisoró a kepaarale Alima Kótótamoné i kutó dine fae yóló dotonalepó. ²Yálo i dere aɣeta, ɛ wotoró bitu dumi, mepaae Keriso norape ɛtamo betámó betó mole whiɔrape dā feané diā Kalesia hae kwia dokómó betó mole Keriso fake so whiɔpaae dapó.

³Dané Aya Kótóro Tale Yesu Kerisotamoné haɣe hamokoróló tao sere alaró hosaa muni deyóló mo dua betere alatamo diā tuɔpaae erǒpóló yae. ⁴Mió i alimó mole dowi alané doasi fotokóné dā so whi dokoló mulaɣsóró, Yesuné ama betere bete melóló dupuraleteiné dā haɣe fǒpóló eralepó. Aita, dané Aya Kótóné kisipa mole ala sya furaalu eró beteraɔpó. ⁵Kótóné ama doi betā hale sóro horóló, doasi doi mo ti muó tanǒpóló yae. Mo kée. Táyǒpóló yae!

Talené kisi fo wisita, me kaae mei mo betǔtóró mulapóló ere fo

⁶Yesu Kerisoné haɣe hamokoróló tao sere alané Kótó a betereɔpaae ape yalepó. Atéyale sekɛ taaróló, kae kisi fo wisi wosaai hapale kisipa feteyóló fole kilituraalu, aita enei ala meitei dapóló ɛ kilita sókó fulapó. ⁷Mepaae whiɔrapené diɔpaae mió wosetere kisi fo wisi i ape yóló yó matepa, ti aita kale wosetere fo wisi mei ai ape. Aita, Yesu Kerisoné mió wosetu betere kisi fo wisi me kae fotamo hosekéróló doróo, diaaɣ kisipakélé kǒpaae falóo, yaalopóló kisipa mutapó. ⁸Dané kélé, ó hepen bemó betere *ensel-nékélé*, Kótóné mió wosetere fo wisi take dané diɔpaae yó male kaae ini, kae fotei fo wisipóló yó matepa, ti ai whi mo ti só deróló alu yaaire tikipaae fǒpóló yae. ⁹Take dané diɔpaae yale fotei momó i dapa wosae. Whi me dené diaaɣ woseté wou betere kisi fo wisi kaaetóró yó meni, fo me kae yó matepa, ti atétere whi só deróló mo ti alu yaaire tikipaae fǒpóló yae.

¹⁰Yálo i du betere fo ó du betere ala mo whiɔrapené kolóló, i whiné mo wisi ala dapóló dukirǒpóló dépé? Kótóné kilitu mo wisi ala dapó

yǒpóló du betere? Mo wh̄irapené kisipa tiki felé yaaire alatamo yǎlo du bituṣásóró, ti ę Yesu Kerisoné kutó diratere wh̄i bituṣ meipó.

Pol aposel wh̄i sóró beteraai Kótóné ą beterepaae ape yale fo

¹¹Norape-ó, diaaṣ mo wisiyóló kisipa yaasepóló yǎlo i dere fo wosae. Yǎlo diṣpaae yó mótu betale mió wosetere kisi fo wisita, mo wh̄iné kisipanétei kaarale fo meipó. ¹²Ai fo wisita, me wh̄iné depa yǎlo wosóló ó me wh̄iné ę yó matepa kisipa sóró dumitei, Yesu Kerisoné amatóro ępaae haṣkearóló yó matepa kisipa yalepó.

¹³Ę take Keriso wh̄i betaairu, Juda fakené Talepaae momatu betere ala sya fóló du betalepó, dere fo diaaṣ wosóló ai kisipare ape. Atétu, yǎlo mo doa ketekę buóló du betale alata, Kótóné so wh̄ipaaekélé susupui ala eróo, Yesu Kerisoné ala wisikélé mo ti doróo du betalepó. ¹⁴Yǎlo ayarapené mara mole ala sya furaalu, Juda fakené Talepaae moma dere ala etéroró yae yóló, doasi kisipare yó matere wh̄irapené da teó wh̄irape yó malepó. Atétu, betere tuṣmó ętamo betṣmó doayale Juda wh̄irape fea betepatei, yǎlo kisipa sale alané atima mo teraae felepó. Atéru, yǎlo ayarapené mara mole ala mo doa ketekę buóló sya fu betale wh̄i ę i ape. ¹⁵Atétu betaletei, ę teó deyaai sóró kae beteraale Kótóné, ama haṣe hamokoróló tao suraalu ą beterepaae ape yalepó. Tétu, Kótó ą wisi kisipatamo ama naale ę tuṣmó haṣkearóló yó malepó. Atéyale sukamó, ępaae etei ala eralepóló me wh̄itamo inipó. ¹⁶Atéroró betepa, Kótóné ama Naalema noa kaae wh̄irópóló kóló kóló yaṣsóró, amatei ą ę tuṣpaae yó malepó. Até yaleteita, Juda meire fake so wh̄ipaae Yesu Kerisota, etei kaae wh̄ipóló yó maté kweyǒpóló kisipa mutu, eralepó. ¹⁷Ai ala yale be demó, i kaae ala yaletei noa betené yalerópóló, ę betaai pa folo sóró beteraale *aposel* wh̄irape Jerusalem bemó betó mupa keṣe fenipó. Aténi, ępaae ai ala erale be demótóroti Arabia hae kwiapaaepi fóló, nalomo ti Damaskus bepaae fesaayóló felepó.

¹⁸Atéroró bitiré fóló, ba fo sore kemetepa, ę Pita wisiyóló kisipa inireteiné kisipa yaai, Jerusalem bepaae horóló ątamo betepa, 15-ró be deṣ kemeyalepó. ¹⁹Aimó ątamo mepaae *aposel* wh̄irape betepa kilinitei Talené noma Jems betṣ betepa kelalepó. ²⁰Yǎlo i aṣetu betere fota kapala mei, Kótóné keletómó mo i dere ape. ²¹Atéroró betale k̄ilipaae ti ę Siria hae kwiaró Silisia hae kwiatamopaae felepó. ²²Até yale sukamó Judia hae kwia dokómó betó mole Keriso fake so wh̄iné ę kolóló kisipanipó. ²³⁻²⁴Ténitei, yǎlo i ala du betera pó dere fo maaté atimané wosipakalepó. Téturaalu ąta, take daṣ Keriso fake so wh̄itamo bóe dóló susupui ala eróo, Yesu Kerisopaae kisipa tiki tiratere alakélé doróo du betale wh̄itei, miómo Yesupaae kisipa tiki tiraaire fo wisi so wh̄i feapaae yó maté kutu betera pó dere fo woseturaalu, Kótóné doi hale sóró horótu beterepó.

Mepaae aposel wh̄irapené Pol wisiyóló dape sale fo

2 ¹Ę ba fo 14-ró betero kemetepa, Jerusalem be huluapaae momó horalepó. Até yale sukamó Banabas daṣmo wusuró huturaalu, Taitus-

kélé dapesóro dā fea horalepó. ²Ē atéro feleteita, yaŕo kōleaané feni, Kótóné yaŕo kisipa tiki tuāpaae i ala ene fae depa felepó. Juda meire fake so whīpaae yaŕo yó maté kutu betere mió wosetere kisi fo wisi etéro i ape yóló, yó melaa horalepó. Téyaletēi, ai fo so whī feapaae yó meni, Keriso so whī betó mole tuāmó doi mole whīrapepaae maaté yó malepó. Atéro doi mole topo whīrapepaae yó melaleteita, haŕe meipó. Yaŕo take ditu betale kutókélé, mió i ditu betere kutókélé, me bete muni nisiyóló, mepaae whīrapené eratere fo yaqsóro yalepó. ³Ētamo betere whī Taitus āta Juda meire fake whī betereiteiné āpaae ya tiki sekaŕ tikaē yóló seŕipó. ⁴Ti aita haŕe meipó. Mepaae whīrape kapalatei, norape aŕyóló dātamó bitu, Yesu Kerisoné yale alané dā teraayóló feléyóló betere ala kikitī kelaai walepó. Aita, dā wae sóro kutó diratere whī beteraai kisipa mutu, yalepó. ⁵Até yaletēi, atimané i ala yae yóló se du betere fo wosóló, téyaalopó dere fokélé inipó. Ti aita, noa ala yópóló kisipa mutu yaleé? Mió kale wosetere kisi fo wisi diaaŕ wosóló ita, mo doa bete mole fopóló diā tuāmó muó tanópóló yalepó.

⁶Jerusalem bemó doasi doi mulapó du betere whīrape-ó doi munire whīta, yaŕo me ŕla meipóló kisipa mualepó. Ti noa betené meipó. Kótóné ama dāné tó tikimó ere ala kolóló, ita doasi doi mole whīpóló doi mulatere ala dumipó. Ai whīrapené yaŕo yó male fo wosetu mo dono dapóló, atimané me fo kae beleróló inipó. ⁷Atēni, Juda so whīpaae mió wosetere kisi fo wisi Pitané sūmó yó maté konérapóló Kótónétei ā sóro beteratepa, kale doasi doi mole whīrapené kolóló kisipa yalepó. Até yale kaaetóro, Juda meire fake so whīpaae yó maté kwēyópóló, Talené ē sóro beteraleteikélé atimané kolóló kisipa yalepó. ⁸Ti Pita Juda fake so whī tuāmó *aposel* whī bitu, Talené fo yó mótu betepa, ai ala tuāpaae Kótóné ama fotokŕ bulalepó. Atétu yale kaae, Juda meire fake so tuāmó *aposel* whī bitu, ama fo yó mótu betepa Kótóné ē fotokŕ bulalepó. ⁹Jerusalem bemó betó mole so whīrapené Keriso alamó be belerapó du betere whīrape Jems, Pita, Jon-sépi atimané Kótóné ama ēpaae melale hamokoróló haŕe tao sale ala kilituraalu, Banabas dāmoné mo donoi ala dapóló kisipa mutu wisiyóló dape salepó. Atéro dāmo Juda meire fake so whī tuāpaae fóo, atima ti Juda fake so whī tuāpaae fóo, yaairaalu dā fea fo kēlaaróló, wisirapóló mo betā kisipatóro mualepó. ¹⁰Atéro, dā mopaae i fo betā yalepó. “Diaamo fo yó maté kuturaalu, ai be huluarapemó yoleale yóló betó mole so whī tao sere alakélé haŕe yó tawae,” yalepó. Ti aita, yaŕo ketekē buóló mo taketi haŕe yó tare alapó.

Pol-né Pita foné sale fo

¹¹Téro Pita Antiok be huluaapaae wóló betere sukamó, ama haŕsóko fele ala yaŕo āpaae teraae faróló, ā foné salepó. ¹²Ti noa betené meipó. Mepaae Jems-né dotonatepa wale Juda whīrape waai teópa, ā Juda meire

fake wh̄rapetamo bitu, ɔla nukua yalepó. Até yaleteti, kale wh̄rape Antiok bepaae wale sukamó, Pita ā Juda meire faketamo ɔla betamó naletei taaróló, kae bit̄i felepó. Até yaleteita, kale tiki sekaɣ tukóló siriró betere wh̄rapené keletómó Juda meire fake wh̄rapetamo ɔla betamó nukupa noa kisipa muaalorópóló wituraalu yalepó. ¹³Pitané d̄a fea Keriso fake so wh̄i mo bet̄a alatóro erapó du bitutei, ama yale alané fake tekeyóló Juda fake kae ārroo Juda meire fake kae ārroo eralepó. Ai h̄oko ala mepaae Juda fakenékélé sya felepó. Ai h̄oko ala fakeyóló Banabas-nékélé yalepó.

¹⁴Mió wosetu betere bete mole fo wisi mupatei, atimané dere ala kae depa kilitu, atima feané keletómó yālo Pitapaae duraalu, “Yāta Juda wh̄itei, Juda wh̄iné dere alatóro ini, Juda meire fake wh̄iné dere ala kaae du beterapó. Atéyaletimo, Juda meire fake so wh̄ipaae d̄a Juda wh̄iné mara mole ala sya f̄ópóló noatepa s̄etu betere?

¹⁵D̄ata dowi ala dere Juda meire fake wh̄i bitini, mo Juda fake wh̄iné mara mole ala tuamó deyale wh̄rape bitu, i fo d̄ané mo kisiparapó. ¹⁶Wh̄i me dené kale yóló muló betere fo mo wisiyóló sya fóló erótu betepa, Kótóné ai wh̄ipaae yā mo donoi wh̄ipó fo yaalo meipó. Téyaalo meitei, Yesu Kerisopaae kisipa tiki tiratere ala bet̄a kilitu, Kótóné mo donoi wh̄ipó fo enérápó. Atére betené Kótóné d̄apaaekélé wh̄i wisipó ȳópóló kisipa mutu, Yesu Kerisopaae bet̄a kisipa tiki tiró beterapó. Kale yóló muló betere fopaae d̄ané kisipa tiróló sya fumipó. Ti noatepae, kale yóló muló betere fo sya fóló erótu betere wh̄ipaae Kótóné me alakélé muni, mo donoi ala dere wh̄ipó fo yaalo meipó.

¹⁷D̄a Keriso tuamó betereteiné ama d̄apaae mo donoi so wh̄ipó ȳópóló wóputé fu betere tuamó d̄ané du betere dowi ala h̄akearatepa, d̄ané noa fo yaaloé? Kerisoné dowi ala wisirapa, deté fae fo enére? Mo meipó. ¹⁸Kale tukóló muló betere fo aqmó sukóló betere alané Kótóné keletómó, wisi ala dere wh̄i beteraairetei mo diripa kisipa mutu, yālotei ai t̄u mo taaralepó. Até yaleteti, yālo momómo duraalu, kale tukóló muló betere foné d̄a wisi ala dere wh̄i beteraalopó depata, ti Kótóné tukóló muló betere fo yālotei tikitapóló h̄akearatapó. ¹⁹Ti noatepae, kale tukóló muló betere fo mo turó yālo kisipa yaletéiné ɣ suk̄ale wh̄i āralepó. Atéreteiné, kale suk̄ale wh̄i ai fo aqmó momó kae netéro betaaloé? Meipó. Kótóné ama ala eróturaalu, ātamo mo ti beterōpóló, kale tukóló muló betere foné ɣ dóló sukunalepó. ²⁰Èta, Yesu Kerisotamo filipaa ni tómó taketi sukóló i mole ape. Atéyaletéiné ɣ momó kae bitini, Keriso ā ɣ tuamó beterapó. Mió haemó i betere yālo mo tikita, ti ɣpaae yaala sókó fóló, tao suraalu ama betere bete h̄ale melale wh̄i Kótóné naalemapaae kisipa tiki tiró betereteiné i betere ape. ²¹Ti Kótóné ama h̄ale hamokoróló tao sere ala, yālo me bete munire ɔla aleróló, d̄epaae mulanénipó. Ti noa betené i fo du meipó. Kale tukóló muló betere fonétamo d̄a mo donoi so

whī beterūluṣóró, ti Yesu Kerisoné ama betere bete besekéróló, ḡ ḡḡle sukḡlepó fo uapó,”

**Yesu Kerisopaae ó tukóló muló betere fopaae
diaaḡ tuḡ tiki tiró betereómóló kḡae kelae**

3 ¹Kalesia hae kwiamó betó mole kisipa okokoi so whī-ó! Mé whīné hosó foné diaaḡ kisipa tiki feteróló, diḡ mo ti okokoraleé? Yḡlo diḡpaae kale fo wisi yó móturaalu, Yesu Keriso filipaa ni tómó oleralepóló yó male fo diaaḡ wosóló diḡné kelené mo kilitu yale kaae, ai kisipare ape. ²Yḡlo diḡpaae wosetere fo betḡ i ape. Kale Deḡ Kepe Wisi saletei-a, tukóló muló betere fo sya fele tikimó salepé, mo fo wisi wosóló kisipa tiki tiraletiné saleé? ³Diḡné kisipa tiki-a, noané mo ti okokoró betere? Kaae suta, ti kale Deḡ Kepe Wisiné fotokḡatepa kaae saletei, kemene fole kwiapaae sókó faairaalu, mo whīné bole fotokḡné sókó fenérapóló kisipa mute? ⁴Diḡ Yesu Kerisopaae tuḡ tiki tiróló ama ala eró taremó sekḡi ala wapatei, me ḡla meipóló ḡḡle beleté fu betaletimó saaire dupu ḡḡle ḡla kaae taalaai kisipa mute? Ti ai doasi sekḡi ala beletu betaleté bete munipa ḡḡle yaleé? ⁵Kótóné ama diḡ melale Deḡ Kepe Wisiró kelemei ala eraleteitamo-a, kale yóló muló betere fo diaaḡ sya fele betemó melalepé, kale wosetere kisi fo wisi wosóló kisipa tiratere alamó melaleé?

⁶Kale whī Abraham-paae erale ala mo wisiyóló kisipa muae. I fo aṣyóló muló beteraḡó.

“Kótóné ḡpaae yale fo mo eraalopóló kisipa tiki tirale ala kolóló, i whīta me dowi ala ini, mo donoi whīpó,” erapó.

⁷Térapa, mepaae so whī de Kótóné fo wosóló ḡpaae kisipa tiki tiratepa, ti atétere so whī Abraham-né naale senaaletóró beteraḡóló kisipa muae.

⁸Juda meire fake so whīné Talepaae kisipa tiki tirateremó, Kótóné mo donoi so whīpó yaairetei, taketi aṣemó erapó. Daḡné mió i wosetu betere fo wisitóró mo take Abraham-paae itéró ipakalepó.

“I hae kwia dokḡmó betó mole so whī fea yḡpaae eraaitere alané wisiraalopó,” erapó.

⁹Atére betené mepaae so whī de Talepaae kisipa tiki tiratepa, ti kisipa tiki tiratere sekḡ Abraham wisirótu yale kaae, atéró kisipa tirale so whīkélé Kótóné wisirótu beteraḡó.

¹⁰Kótóné ama tukóló muló betere fo erótu betere alapaae kisipa tiki tiró bitinire so whī fea, ti Kótóné doratere ala aḡmó ai betere ape. Ti noatepa mei, Kótóné i fo aṣyóló muló beteraḡó.

“Mepaae so whī detamo Kótóné *buk*-mó tukóló muló betere fo mo fea sya fóló eró tanitepa, ti Kótóné atima mo doraalopó,” erapó.

¹¹Ti noatepae, kale aṣemó yóló muló betere fo i ape.

“Kótóné keletómó mo donoi so whīta, ti kisipa tiki tiratere alané betḡ bitiré fu betenérapóló,” fo erapó.

Kótóné tukóló muló betere fo eraté fu betaleteimó, mo betə whīpaaekélé Talené mo donoi so whīpó enéniretei mo həkearapó. ¹²Ti Kótóné tukóló muló betere fo sya fóló erótu betere alata, ti kisipa tiki tiratere tuəmó kaatumipó. Tétumitei, kale ašemó i ere fo kisipa muae.

“Mepaae whītamó tukóló muló betere fo sya fóló erótu betepa, ti ama ai du betere ala tuəmótóro ə beteraté faalopó,” erapó.

¹³Kale tukóló muló betere foné doratere ala dāpaae eraqsóro, Keriso ə filipaa ni tómó sukuturaalu, də tao sóro dupuralepó. Atéturaalu, doratere ala mo turó əpaae eralepó. Ti noatepae, ašemó i fo erapó.

“Mepaae whī de ni tómó oloratepa, ti ai whī Talené mo ti mokoróló doró beterapó,” erapó.

¹⁴Abraham-paae eraalopóló mulale fo mo dokonóturaalu, eratere wisi ala Juda meire fake so whīnekélé sǫpóló kisipa mutu, Yesu Kerisoné ama də tao sóro dupuró beterapó. Atéreteita, dənə əpaae kisipa tiki tiratepa, ama melaalopóló mulale Dəi Kepe Wisi sǫpóló erapó.

**Kótóné folosóro i ala eraalopó ere fo melóló,
nalo ti tukóló muló betere fo male ala**

¹⁵Norape-ó, yəlo diəpaae i du betere fo bete diriyóló kisipa yaasepóló, dənə suka fea du betere alapaae dó faróló i dapa wosae. Mo whīné dirii fo dokóló muló betepa, nalo me whīné ai fo tokóló aluratere ala ó me kae fotamo olokeratere ala mo enénipó. Yəlo diəpaae i yaai dere fokélé atére kaaetórotipó. ¹⁶Kótóné Abraham-ró ama deyaaire naaletamopaae i ala mo eraalopóló ašemó yóló muló beterapó. Kótóné ama *buk-mó*, “Naaó deté faaire naalerapépó,” fo inipó. Ai fo uəsóro ti whīrape feapaae erapó fo uəpó. Ai fo ini, “Naaó deyaaire naalené deté faaire naalepó,” ere fota, mo betə whīmó kisipa mutu erapó. Ai whīta, Yesu Keriso ətórótipó. ¹⁷Yəlo du betere foné bete i ape. Abraham-paae mo eraalopóló dirii fo dokóló muló betepa, 430 ba fo kemeyalepó. Atéyale kīlipaae kale tukóló muló betere fo sókó walepó. Nalo ai sókó wale foné Kótóné folosóro yale dirii fo tokóló alurótimipó. Ai fotamo aluratepa, ti ai fo tuəmó so whīpaae eraalopó ere wisi alakélé aluranérapó. ¹⁸I dere fota noa betené dumipó. Kótóné nalopaae eraalopó yóló muló betere wisi ala kale tukóló mulale fo tuəmó sókó wuəsóro, ti Kótóné ama eraalopó yale fo tuəmó sókó wuəmeipó. Até yaletēi, Kótóné Abraham-paae eraalopóló ere fo mo dokonóturaalu, hamokoróló həle melalepó.

¹⁹Térapa, kale tukóló muló betere fo-a, noa betené melaleé? Ai fota, so whīné du betale dowi alamó kale folosóro yale dirii fotamo touró beterapó. Ai alata, mo ti eréni, Abraham-paae eraalopó ere fo dokonóló ama deté waaire naale wǫpóló kaae taru erapó. Ai tukóló muló betere fota, so whī feané kisipa yǫpóló *ensel-rapené* Kótóro so whītamóné tuə whīpaae melalepó. ²⁰Fake tamóné tuə whīné betə fake maaté tao su me fakemo taalatimipó. Tépatēi Kótó əta, mo betətóróti beterapó.

²¹Kale tukóló muló betere foné Kótóné i ala mo eraalopó yóló muló betere fotamo bóe dóló sesétu betere? Mei, ai ala mo dumipó. Kale tukóló muló betere fonétamo mo ti betaaire bete melóluasóró, ai foné me dowi ala munire so whi beterołuapó. ²²Téuṭei, Kótóné *buk*-mó aseýóló muló betere foné i fo erapó. I haemó betóló fale so whi mo fea dowi alané dokóló, *dipula* bemó kaae betero beterepó. Aita, haḷe mei, Kótóné ama so whiṭpaae eraalopó yale ala mo dokonóturaalu, Yesu Kerisopaae kisipa tiró betere so whiṭpaae melópóló erapó.

²³Kisipa tiki tiratere ala haḷearóló sókó waaipa, kale tukóló muló betere foné ḍa *dipula* kaae sóró betero beterepó. ²⁴Betaḷ whi me tikipaae fimó ama naale senaale me whiné kapala kaae tatu dere kaae, Kótóné kale tukóló muló betere foné ama so whi ḍa Yesu Keriso beterepaae ḷisóró fópóló, kapala asiri kaae tawae yóló sóró beteralepó. Ti aita haḷe meitei, ḍané Yesu Kerisopaae kisipa tiróló betepa, Kótóné ḍa mo donoi so whi beteroḷpóló yalepó. ²⁵Mióta, kale kisipa tiki tiratere ala sókó wóló, take kale tukóló muló betere foné ḍa teteróló kaae taretei, momó kae kaae tani, mo kemeró beteraḷpó.

Kótóné naale senaaletóró beteraḷpóló ere fo

²⁶Ḍiḷ fea Yesu Kerisopaae kisipa tiki tiró betereiteiné Kótóné ama mo naale senaaletóró ai betere ape. ²⁷Ti noa betené mei, so whi weḷi kemó buó ditu dere kaae, ḍiḷ fea Yesu Keriso tuḷmó weḷi tópuró beteraḷpó. Atéreteiné kuti derótu dere kaae, Yesu Keriso diaaḷ ai deró betere ape. ²⁸Atéru, Juda fake ó Juda meire fake, wae sóró kutó diratere so whi ó ḍiḷ mo haḷe betere so whi ó ḍiḷ fea fake teketu betereitei me ḷa meipó. Mió ḍiḷ fea Yesu Keriso tuḷmó bitu, mo betaḷ alatóró erapó. ²⁹Ḍiḷ Yesu Kerisoné ama so whiṭamo betepa, ti ḍiḷ Abraham-né deale naale senaaletóró betereiteiné Kótóné Abraham-paae eraalopó yóló mulélipakale fo motóró dokonóturaalu, eraaire wisi ala ḍiḷpaækélé eraalopó.

4 ¹Yḷo i du betere fo bete mo whiné dere alapaae dó faróló dapa wosae. Betaḷ néli whiné naalema alimané teraae fele mómu ḷa ḷa fea muó mupatei, kale naale ḷ ketepa, ḷ kaae tare whiṭrape aḷmó bitu, ama kutó diratere whi sḷu beteraḷpó. ²Kale naale alimané teraae fele ḷa ḷa amatei teteróló kaae tawópóló tukóló mulale be ḍe sókó waaipa, ti alimané sóró beteraḷe whiṭrapené kale ḷa ḷa fea kaae tawaalopó. Mepaae whiné kale naalekélé kaae tapa, ḷ ai whi aḷmó bitiré fu betaalopó. ³Take ḍa atéró ketei naale senaale kaae betale alimó, i haemó ayarapéné yó maté wale mara mole alané ḍa teteróló kaae taru, wae sóró kutó diratere whi beteraḷe wou betalepó. ⁴⁻⁵Téyaḷetei, Talené ama tukóló muló betere be ḍe sókó wapa, ama naale i haemó betere soné deýópóló dotḷyaḷepó. Ai naale ḷ kale tukóló muló betere fo aḷmó betere so whi dupuraairaalu, ḷ ai fo aḷmó sukóló betalepó. Atéyale alata, ḍa Kótóné ama naalerapetóró

bitu, ama wisi wisi ɔla sɔpóló kisipa mutu erapó. ⁶Ti noa betené meipó. Diɔ fea Kótóné naale senaaletóro betepa, ama naalema Yesu betale sirimó beteraaire Dɛi Kepe Wisi ɗané hosaa tuɔmó beterypóló dotɛyalepó. Ai Dɛi Kepe Wisi ɗa tuɔmó betereiteiné ɗané ɔlómó Alima Kótópaae “Apa, Aya-ó” du beterapó. ⁷Atéreteiné, mió diɔ wae sóró kutó diratere whi momó kae bitini, mo ama naale senaaletóro betereiteiné Kótóné Yesupaae eratere wisi wisi ala, diɔpaaekélé eraalo ai ape.

Pol-né Kalasia so whimó kisipa mutu yale fo

⁸Kótóné ama aleyóló muló betere ɔla ɔlatei Kótópóló aɔmó sukóló betepa, ai ɔlarapéné diɔ wae sóró kutó diratere so whi betalepó. Atétu betale alata kapala kótó ai ape. ⁹Taketa atéyaletei, mió diɔ mo Kótó tuɛrapó. Tépateti, Kótóné ama diɔ mo tuɛrapó. Atérapa, diɔ ai bete munire hɔko alarape aɔmó betaai momó fesaae fute? Diɔ atimané wae sóró kutó diratere so whi momó betaai de? ¹⁰Ti ɔlo i dere fota haɔe dumipó. Diaaɔtei mepaae be ɗe mo doasi bete mulapóló, be ɗerapekélé, wéliérapekélé, alirapekélé, ba forapekélé, kae tukóló mulótua ɗapó. ¹¹Ƴalo diɔ tao saai ɗapóló doasi ketekɛ buóló du betale ala bete munire nisi erótu betepa, ɔlo diɔmó kisipa mutu, ɛ mo doasi whaaliatu beterapó.

¹²Norape-ó, i dere fo wisiyóló wosae. Take ɗané du betere ala ɔlo sɔróló du betepa, ɗané ɛpaae me sekɛi ala erénipó. Atéyalepa, mió ɗiamó ɔlo du betere ala sɔróló du betae. ¹³Ɛ me tikipaae faai yaleteti hepo daayóló bitu, folosóro sukamó kale mió wosetere fo wisi ɔlo diɔpaae yó maleteti ɗané ai kisipare ape. ¹⁴Ɛ tikimó daayale heponé diɔpaae sekɛi ala eraleteti, ɗané ɛ dei kelené kólóló faletere fokélé inipó. Ai ala ini, ɗané ɛ Kótóné *ensel* aɔróló mo wisiyóló dape salepó. Ó kale Yesu Keriso a wisiyóló dapesu dere kaae, ɛ mo wisiyóló dape salepó. ¹⁵Diaaɔ take du betale doasi hekesei ala mió netéyaleé? Ƴané ɛpaae doasi ɔletere ala mulu, keke sokóló me whi matere ɔla uɔsóró, ɔlo keke kisi daaleiteiné ɗané keke sokóló ɛ bulóluapó. Mepaae whiné wosetepa, ti ɗané ɛpaae erale ala fea ɔlo enérápó. ¹⁶Mió ɔlo diɔpaae mo bete mole fo yó matereteiné ɛ ɗané bóe whi aɔrótu betere?

¹⁷Ai whirapénéta, diɔ atimatamo touróló beteraai ɗapóló, doasi ketekɛ buóló atima mara mole alarape yae yóló sɛtu beterapó. Tépateti, atimané diɔpaae ai eraai du betere alata, mo wisinipó. Ti aita, diɔ ɗatamo betamó betereitei tekeróló, atimané dere ala sya wópóló, du beterapó. ¹⁸Mepaae wisi ala yaai, kisipa mutu butere ketekɛta, ti doni mo wisirapó. Diɔ ɛtamo betere sukamó maaté wisi ala eraai ketekɛ buni, ɛ alupa diɔsisi bitukélé ketekɛ buóló, ai alatóro yó tapa, mo wisirapó. ¹⁹Ƴalo hosaa mole naale senaale-ó, Yesu Keriso diaaɔ betere bete tuɔmó sóró beteranée yóló mutere kisipané ɔlo hosaa betemó dere suputa, sorape naale sisó

nukuraalu dere dele kaae momómo dapó. ²⁰Diaaꝯ du betere ala yaꝻo wosaletiné e sekeꝻi kisipa muóló fomo duraalu, diꝻ neyóló tao saaloé du beterapó. Téreteiné yaꝻo i dere hapólui fo taaróló, e diꝻtamo betꝻmó bitu, naameiné dua uꝻpóló, kisipa mutapó.

Hekaró Seratamopaae dó faróló dere fo

²¹Kale tukóló muló betere fo aꝻmó betaai kisipa mutu betere whꝻrape-ó, ai fo tuꝻmó mole fo diꝻ wisiyóló kisipanié? ²²Ti noatepae, i fo aseꝻyóló muló beterapó. Abraham-né ama naale tamo deipakalepó. Me naale ti ama kutó dirꝻpóló wae sale soné deyóo, me naale ti ama mo soné deyóo, ipakalepó. ²³Kale kutó diratere soné naaleta, ti mo sorapené naale detere kaae yólótóro dealepó. Téyaletéi, ama mo soné naaleta, ti mo eraalopó yóló muló betere fo dokonóturaalu deipakalepó. ²⁴I fota take mo yale alatei, mió yaꝻo fo sale fopaae dó faróló i dapa wosae. Ai so tamota, kale dokóló mulale dirii fo tamo sꝻ sóró dapó. Me dokóló muló betere dirii fo, ti Sainai hasi fosómó kaaróló sókó walapó. Ai dirii fo so kaae bitu, wae sóró kutó diratere naale senaale ditu beterapó. Ai sꝻratere sota, Hekar-pó. ²⁵Hekar-ta, ti Arabia hae kwiamó daale Sainai hasipaae dó falatapó. Mió tene be hulua Jerusalem-ta, ti kale Sainai hasi fosó kaae bitu, ama naale senaale tamo wae sóró kutó diratere so whꝻtóró beterapó. ²⁶Tépatei, me kae taoró tene Jerusalem be huluata, wae sóró kutó diratere so whꝻi kaae mei, mo be huluapó. Aita, da deale so dané haetórótipó. ²⁷Ti noatepae, i fo aseꝻyóló muló beterapó.

“Naale senaale deni, ni daale so-ó, fo fakeyóló hꝻkesei fo du betae.

Naale sisó nélitere so haꝻiné sukutu betae.

Ti noatepa meipó. Ni daapa sisópaae eró betere soné deale naale mo dekéro betóo, whꝻtamo betere soné detere naale senaale mo teraae fío erapó,”

²⁸Norape-ó, diꝻta, kale Aisak detu yale kaae, ama eraalopó yóló mulale fo mo dokonóturaalu deyale naale senaale ai betere ape. ²⁹Até yale sukamó mo whꝻiné detere kaae yóló deyale naalené DeꝻi Kepe Wisiné fotokꝻné deyale naalepaae susupui ala eralepó. Até yale kaae, miókélé betꝻ alatóro du beterapó. ³⁰Téretei, Kótóné buk-mó noa fo aseꝻyóló muló betere?

“Kale wae sóró kutó diratere soró ama naaletamo hꝻkó falae,” fo erapó. Ti noatepae,

“Kale kutó diratere soné naaleró mo soné naaletamo alimané ɔla ɔla tuꝻmó bukuraꝻsórópa, hꝻkó falae,” fo aseꝻyóló muló beterapó.

³¹Atérapa, norape-ó, daꝻta kale wae sóró kutó diratere soné deale naale senaale kaae bitini, mo soné deale naale senaale tóro ai betere ape.

Keriso tuꝻmó me alané dokoni, feléyóló betere ala

5 ¹DaꝻ mené wae sóró kutó diratere whꝻi kaae, dokóló muló betepa, Yesu Kerisoné teraayóló haꝻe betaaleteita, ama kisipa mole ala

erópóló erapó. Térapa, mepaae wh̄irapené dīa wae sóró kutó diratere wh̄i beteraitepa, ai ala tūapaae momó kae bit̄i feni, fotok̄o buóló diri yóló betae.

²Ēta Pol-né dapa, yālo i dere fo dīané mo wisiyóló wosae! Mepaae wh̄iné dīapaae tiki sekāe tikae yóló s̄etere fo diaāo wosólótamo tikitepa, ti Yesu Kerisoné dīa tao saaire wisi ala diaāo ai tikitere ape. ³Kale yale fo momó i dere ape. Wh̄i me dené ama tiki sekāe tukópóló kisipa mutepa, ti mepaae tukóló muló betere forape fea mo turó sya fóló enérápó. Mepaae ala maaté eróturaalu, mepaae alamo erénitepa, ti t̄u muni, ai mo dorapó. ⁴Dīa mepaae wh̄iné kale tukóló muló betere fo sya fu betepa, Kótóné me dowi ala munire so wh̄ipó yópóló kisipa mutepa, ti Yesu Kerisotamo tekeyóló ai betere ape. Atéturaalu, Kótóné ama hamokoróló hāle tao sere ala wisikélé diaāo ai taaló betere ape. ⁵Tépatēi dāta, kale D̄ei Kepe Wisiné fotok̄oratepa, kisipa tiki tiratē fu betereiné take nalopaae Kótóné mo donoi so wh̄ipó yópóló kisipa mutu, h̄kesetamo i betere ape. ⁶Ti noatepae, Yesu Keriso tūamó bitu, tiki sekāe tukóló siriratere ala ó siri erénitere ala me bete munipó. Kótópaae kisipa tiki tiratere ala dā tūamó moletei hākhearóturaalu, mepaae no nerapepaae yaala sókó fole ala bet̄a mo doasi bete mole ala ai ape.

⁷Dīa me ̄la saai sururu yóló fóló, dāle muló betere tikimó sókó faai yaletēi némo sesé yaleé? Atéró sesétu betere alata, mo bete mole fo dīané wosóló sya fāsóró, ai du betere ape. ⁸Ti dīapaae ai dotopoi fo du betere fota, dīa ā beterepaae ape yale seké meipó. ⁹Wuliné apita, sawa ̄latei fulukó furaalu, mo wuli tiki dorótu dere kaae, ai wh̄irapené dīapaae yó matere foné ai du betere ape. ¹⁰Dīa me kae fo woseni, yālo i dere fo bet̄a wosóló sya faalopóló ̄ Tale tūamó bitu kisipa tiratapó. Mepaae wh̄i de doasi doi mole wh̄i ó doi munire wh̄iné diaāo tūé tiki k̄óló k̄ólóratepa, atétere wh̄i doasi dowi kwia saalo ai ape. ¹¹Norape-ó, yālotamo tiki sekāe tikae fo depa, ti atimané ̄paae susupui ala noatepa hāle erótu betere? Yālo atei kaae fo yó melūsóró, Yesu ni tó mó suk̄alepóló yó matere fo wosetere h̄óróló sisópaae eratere ala ūameipó. ¹²Dīa k̄ópaae falaai du betere wh̄irapeta, atimané tiki sekāe tukóló siriratere ala maaté ini, mo turó tukóló taae fatepa ti mo wisirapó.

¹³Yālo no nerape-ó, me ̄lané dīa dokóló muló betāsóró, teraae fóló hāle betérópóló, Kótóné ā beterepaae ape yalepó. Atéró teraaeyóló hāle betéro betepa, diaāo tó tikiné ek̄lere dowi ala yaaire t̄e melāose. Aténi, dīa tūamó yaala sókó fole ala duraalu, u taosu i taosu dere ala bet̄a yó tawae. ¹⁴Kale tukóló muló betere forape mo fea i doasi fo tūamó bulapó. Ai fota i ape.

“Naaotei yā yaala sókó fu dere kaae, naao be wh̄i no nepaekélé atéró yaala sókó fu betae,” erapó.

¹⁵Ai ala ini, yuwitamo h̄le suraalu u tukósu i tukósu dere kaae depata, ti atétere alané diaāotei dīa dóló kemerāsóró, mo hotowa yóló kaae tawae.

Dɛi Kepe Wisiné fotokɔró betepa dɛ betepapó ere fo

¹⁶Térapa, yálo i dere fo wosae. Kale Dɛi Kepe Wisiné yae dere ala sya fóló erótu betae. Atétepa, ti diɛné tó tikiné ekɛle yóló yaai du betere dowi ala mo yaalomeipó. ¹⁷Ti noatepae, dɛné tó tikiné ekɛle yóló du betere alané kale Dɛi Kepe Wisiné eraai dere alatamo bóe du betepapó. Kale Dɛi Kepe Wisínékélé ama ala eraairaalu tó tikiné eraaire alatamo bóe du betepapó. Ai ala tamo atimaamotei bóe dupa, ti diɛné tó tikiné ekɛle yóló yaaitere ala mo enénipó. ¹⁸Tépatei, Dɛi Kepe Wisiné ama erae dere alatamo naao sya fóló du betepa, ti kale tukóló muló betere foné tɛteróló kaae tare aq̄mó yɛ betenipó.

¹⁹⁻²¹Tó tikiné ekɛle yóló du betere alarape so wh̄i feané kisiparetei dosɛatapa wosae. Nópu nokole alakélé, me dowi alatamo hoseké dere alakélé, enénire mo sonaalei dowi alakélé, kapala kótó ó mepaae alarapepaae kiswa tirótu betere alakélé, isi wh̄iné du betere alakélé, mepaae so wh̄itamo dei kiswa mutu, hamoma h̄ɔratere alakélé, h̄ɔle sere alakélé, me wh̄iné dere ala kilitu, ɛkélé até enée yóló dei kiswa mutere alakélé, mo dowi fopaae butere alakélé, doasi doi mole so wh̄ipó yópóló du betere alakélé, mo turó so wh̄i betepatei mepaae tóróti so wh̄i fake tekeyóló betere alakélé, fake tuɛmó teketere alakélé, mepaae wh̄iné dere wisi ala kilitu, ɛkélé até uɛpóló dei kiswa mutere alakélé, dowi w̄ei nóló topo dotere alakélé, so wh̄i fea touróló bitu dowi w̄ei nóló du betere dowi alakélé, ai dosɛayale alarapekélé, mepaae dosɛani yale dowi alarapekélé, tó tikiné ekɛle yóló du betere ala ai ape. Diɛ dowi tɛpaae faqsóró, yálo diɛpaae take yale ma fo kaae momó i dapa wosae. I dosɛayale dowi ala du betere so wh̄i Kótóné tɛteróló betere ala tuɛmó beterenipó.

²²⁻²³Tépatei, niné du wisi oletu dere kaae, Dɛi Kepe Wisi so wh̄i tuɛmó bitu, i alarape erótu betepa kelaalo ai ape. Ne nopaae yaala sókó fole alakélé, hosaa tuɛmó haɛtu betere alakélé, hosaa muni deyóló mo dua betere alakélé, mené sek̄i ala eratepatei me ɔla meipóló, Kótóné ama kiswa mole ala erópóló, kaae tawóló dua betere alakélé, wisi kiswa muóló k̄ɔlené sukutere alakélé, mepaae so wh̄ipaae wisi ala eratereteikélé, mepaae wh̄iné ama eraalopó dere ala haqsókó feni, motóró eratereteikélé, naameyóló mo dua betere alakélé, wh̄iné tó tikiné enée dere ala yaqsóró amatei ɛ tɛteróló kaae tareteikélé, i dosɛayale alarape mo betɛkókélé Kótóné ama tukóló muló betere foné yaqse yóló fo muló bitinipó. ²⁴Yesu Kerisoné ama dape sóró betepapó betere so wh̄iné tó tikimó bole ekɛleró kisipanétei senée dere alatamo alurópóló, ɛtamo filipaa ni tómó oleró betepapó. ²⁵Dɛ betere beteta, kale Dɛi Kepe Wisi tóró ai ape. Térapa, ɛtamo betɛmó titiyóló furaalu, ama dere ala sya fóló yaalopa síepe. ²⁶Dɛnétei ɛta, doasi doi mole wh̄ipóló bopé fake dere alakélé, me wh̄i dowi kiswa muópóló sesemeratere alakélé, mepaae wh̄iné mole wisi

wisi ɔla kilituraalu, ɛkélé ai ala enée yóló, u só derótu i só derótu dere alakélé, i dosayale alarape fea ɗané yaqse yóló i dere ape.

Dowi ala dere whi tu wisipaae fópóló tao sae ere fo

6 ¹No nerape-ó, mepaae whiné du betere dowi ala ɗané kelené keletepa, Ɖei Kepe Wisiné yae dere ala sya fu betere so whiné ai whiné ama dere dowi ala taaróló, wisi ala momómo yópóló dua naamei ma fo yae. Tétutei, ai alané ɗiákélé dée nalaairaalu su sere ala eraqsóro, hotowa yóló kaae tawae. ²Yesu Kerisoné yae yóló muló betere fo eróturaalu, ɗi tuapaae wou betere sekei ala ɗiɗisi u taosu i taosu du betae. ³Me whi a me bete munipatei, ama kisipané a doasi doi mole whipó du betepa, ti a amatei dilikitu betera. ⁴No nerape-ó, ɗané ai du betere alata wisi ala dépé, dowi ala déro diaaqte kaae kolóló taleyae. Mepaae whirapené du betere ala kolósu naao dere ala kolósu yóló kaae kelaqse. Aténi, naao ditere kutó betá kaae kolóló wisirapóló kisipa mutupa, ti ya hekeseturaalu haýóló betenérápó. ⁵Ti noatepae, Talené ɗa betá betá so whiné diyópóló tukóló muló betere kutó dekani, ai kutó amatóro dité fu beterópóló yae.

⁶Mepaae Talené fo yó matere whiné yó matere fo wosetu betere so whiné wisi wisi ɔla, mepaae bukóló kale fo yó matere whi amo tao sóro matepa mo wisirapó.

⁷Mené ɗi dilikitere ala yaqsóro yae. Mo betanékelé Kótó faletere ala mo enénipó. Ti noatepae, mepaae whiné noa ɔla wae bilitepa, ti ama ai bilitere ɔlatóro ulumétepa sua ɗapó. ⁸Mepaae whiné tó tikiné felé yaaitere ala sya foletiné ɔla wae kaae bilipa, ti tó tikimó kaaróló mo ti doróló aluyaaaitere ala saalo ai ape. Mepaae whiné Ɖei Kepe Wisiné ama du betere ala wisi kolópóló erótu betepa, ti Ɖei Kepe wisiné ai whimó mo ti betó tawaaire bete melaalopó. ⁹Ɖané du betere wisi ala hýóló taaréni, haɓe detétóro fu betae. Ti noatepae, ɗané du betere alatamo haɓe yó tapa, ti ɔla ulumétere alimó ɔla wisi su dere kaae yaalopó. ¹⁰Térapa, so whi mo feapaae ɗané wisi ala erótu tao saaire tu mupa, ti tao saalopa siépe. Téturaalu, Talepaae kisipa tiki tiróló betere so whita, ti ɗané ne no mo betá fakétóro betereiné atima wisiyóló tao senérápó.

**Tiki sekae tikitere alata doasi bete muni,
Keriso sukale ala betá ti doasi alapó**

¹¹Ɖiapaee i aɓatere aɓeta, yaɓo naasenéte mo doasi yóló ai erapa kelae.

¹²Tó tikimó ere ala kilitu, whi wisipóló dukiraterere fo wosaai ekele du betere whirapené ɗiapaee tiki sekae tikae yóló dotopo du betera. Ti ai du betere alata, haɓe mei, Yesu Keriso filipaaró betere ni tómó sukalepóló yó mótu betereimó, atima susupui ala eraqsóro kisipa mutu ai du betere ape. ¹³Ai kale tiki sekae tikire whirape atima Kótóné tukóló muló betere

fo feamo betere dokɔ sya fóló erótumipó. Téretei, atima ere kaae, diákelé tikimó siriratepa, atimané dere fo betá wosetapóló, atima bopé fake yaai kisipa mutu sɛtu beterapó. ¹⁴Yálo dere alamó ɛ bopé faketuraalu, yáloitei yálo doi hale sóró horatere ala yaalomeipó. Aténi, dá tɛteróló kaae tare whí Yesu Keriso oleró betere filipaa ni betá kisipa muóló, ita mo doasi bete mole alapóló bopé fake yaalopó. Ti i haemó yó mole ɔla ɔla fea ni tómó oleróo, yálo ai ɔla ɔlarape saai ekɛle yaqsóro ɛkélé ai ni tómó oleróo yalepó. ¹⁵Tiki sekaɛ tikitere ala, ó tikinire alata, me bete munipó. Mo bete mole alata, ti Kótóné ama kae kisi kaaró betere ala betá mo bete mulapó. ¹⁶Ai ala wisi sya fu betere so whí feapaae Kótóné hosaa muni deóló mo dua betere alaró kɔlené sukóló tao sere alatamo erópóló yae. Atére so whíta, Kótóné ama naale senaale Israel fake ai ape.

¹⁷Yálo mo kemerótu dere fo i ape. Yesuné ama ala erateremó erale sirirape betá yálo tikimó mulapa, mepaae whíné ɛ eróturaalu, dere kae kae sekɛi ala mo sɔpa taalae.

¹⁸No nerape-ó, dá tɛteróló kaae tare whí Yesu Kerisoné hamokoróló haɛ tao sere ala diáné kepe bete tuapaae erópóló yae. Mo kée. Téryópóló yae!